

ĀDUNIYA KULU BŌRŌ DAAMA BEIYANIYOM

SENNI ZIIGO

Ka simma nna buricinitere ka n bōrō ḡwene iyaali bei nna daama duuri ka bōrō fō su hini ka hoḡu n se ya bara bōḡo duuri nna laakari kaniyom āduniya kuna,

Ka simma nna ka bōrō daama duuri bara hei fō ka sariya hima a ma ceruma ka bōrō mōrani nna tilaasi guruje nna meiyom berekete nna kwene bōrō futu,

Ka simma nna naane ka āduniya zamaa sariya nyā dam daama duuri ga buricinitere nna bōrō jirima bōḡo nna kwene daama ka a gono weibōrō nna harubōrō ciyom afo gonouom kuna,

Ka simma nna ka bine a hima ḡo rokasine hennō ma gono ganna nna ganna ḡmaaniyo binni n hānu kulu mōḡjine kweiyom dirōu ga,

Ka simma nna ka āduniya zamaa diya mariga beeri, tabataniyom mēfo ceejiyom ka n baa āduniya ganna zamaa kulu ma tō daama duuri hini ga nna a zaamani safu ḡwaani ḡwaani ka n damyom nna daama duuri ko ga a jirimani ko beiyom tōntōni ceeji a bōḡo,

Ka simma nna ka āduniya zamaa marga beeri tutu ka ḡḡayo ba mēe cineyo kulu cii kawa bōrō ḡwene āduniya daama duuri hini ga,

Ka simma nna ka mēecineyo cimaniyo ya ba nam daama duuri gweiyo ma dira dei-dei,

āduniya zamaa marigā beiyani bōrō ḡwene daama duuri ādininya kuna gwei cirici ka a hima zaamani an kokari kǎ ci tēente n ḡmaare ba mani za couyom hini kuna beiyom ceejiyom, ga, bōrō kulu ma mēe cine di ci a ḡwene ganna zamaayom kulu mō ma duwa ka geeri tila cirici wō ga. Za ganna ḡmaani ḡmaaniyom kuna hali an to āduniya zama kulu.

ASARIYA SINTE (1)

Aduniya kuna n gu ibuna damayo hei nō dei-dei nn daama nna n burucinitere fō, n lasabu nna laakari ya nam nn mō huro cere kuna nyanze tere bōḡō.

ASARIYA HINKANTE (2)

Baa mēi hima a ma gonna daama nna bōḡō meiyom zaḡa ka daama bei beiyaniyom mēe cine na a siriyani dimi fisōu yo ma sii. A sii nna n ma ci wō nō gaa kwaare wō nō gaa bii wō nō weibōrō wō nō harubōrō.

A sii nna cine fisōuyom; a sii nna adiini fisōuyom a bine sii nna siyasa fisōuyom.

ASARIYA HINZANTE (3)

Bōrō kulu gonna hunayom nna bōḡō meiyom nna bōḡō naaneyom daama.

ASARIYA TAACINTE (4)

Bōrō fō na hima an ci bōrō fō se tam dee bine n ma mōriya berekete. A ganna nō n hoḡu tamtere nna mōriyayom berekete ba hini fō ga.

ASARIYA GUNTE (5)

N su bōrō fō wahalani, n su ga cēenani n bine su ga kamani.

ASARIYA IDDUNTE (6)

Sariya ganna baa mani bōrō gono a hima an saria ganna.

ASARIYA IYENTE (7)

Iri kulu afo sariya mōjine ya nō bine sariya di gu iri kulu ceruma.

ASARIYA AIYAAKUNTE (8)

Batume gono bamei se ḡḡe bōrō na sariya daali n ma cēe goosi sariyayo di mōjine ka yii ko beiyom.

ASARIYA EGANTE (9)

Hini sii bōrō fō se a ma hacine dii ka daabu ōu a ma ḡei, dee bine a ma kaa kwaara ka na cii taalifo bōḡo.

ASARIYA WEINTE (10)

Hini gono bamei se an goosi cē; goosi ka a ba hini ka a nō cimi ōu a ma tāgarani a daama nna a tilasi bōḡo.

ASARIYA WEICINIFONTE (11)

Ba n taali damyom nga se goosi ma a ciba n faaba kwe yo mōjine n ma du ka n ci taali kwe.

A sii na n ma bōrō nō taali daa fō bōḡo ka sariya dom na a jisi. Ya nō bine hāḡa gunguyom ka a bisa sasariya sii. Sariya zaka ya hima hāḡa gunguyom.

ASARIYA WEICINI HINKANTE (12)

Bōrō fō su mēe dam bōrō fuu senni kuna berekete. Ya nō bine bōrō fō sii nna a ma haḡasine jirima zobu. Sariya bamei ceruma nna alaamari zaḡa yayo.

ASARIYA WEICINI HINZANTE (13)

Daama gono bamei se a ma kwei nuḡu ka a baa kulu.

A ma ḡōrō kwaara ka a sawayom a se a ma tunu saa ka a bine baa.

ASARIYA WEICINI TAACINTE (14)

Bamei ka sanani na n gaari n kwaara kuna daama gono n se n ma gana kwaara ḡwaani ka hini ceeji n ma n ta yoo.

Daama di su go n daabu dee a bara nna bōrō wii ōu bine daa berekete fō yo ka āduniya zamaa mariga beeri hoḡu.

ASARIYA WEICINI GUNTE (15)

Bamei kulu hima a ma gonna dimi.

N su hini ka hoḡu bōrō se a dimi takii bōḡo.

Asariya weicini idunte (16)

Dee bōrō kǎ tō balaga a sii nna ma dimi nna adiini fisōu wei nna haru se domi daama fō di nō n kulu gonna za n hiije waati hali n fefeiyom saa.

N su hini ka hiije hōu ka a na ci nna n bōrō hinka kulu bakasine.

Iyaali ya bara zaamani safu ci cirici a ganna nō gominanti ga a ceruma.

Asariya weicini iyente (17)

Bamei, n bōḡō fō nō, noo zamaa nō, daama gono wō gonna duuri.

A sii n ma bōrō ḡaḡa a duuri takii bōḡo.

Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n boɗo fo ɗu noo zamaa ko ga loo zaɗa ka a sawa noo se.

Asariya weicini egante (19)

Bamei kulu gonna lasabu nna senni daama. A se ganna no boɗo su ba heifo senni ɗu lasabu ko dirigoyom hei ka a bine ba senni kulu hini ka sei ba mani.

Asariya warankante (20)

Bamei kulu gonna kummayom nna igwe kuna gonoyom daama.

N su boɗo tilasi igwe fo kuna wuroyom.

Asariya waranka cinifante (21)

Bamei gonna daama a ma wuro a kwaara senni kuna a boɗo ɗu a barani ka a fisɗu.

Bamei kulu afo boɗo gonna daama a ma gwei te a kwaara gominanti se.

Hei ka zamaa zaa ya bara kwaara yiiko. Zaayom di mo bara ka nna a tete biri.

Asariya waranka cini hinkante (22)

Ni ka kulu n gono zamaa kuna hima no n ma gonna zamaa di naane daama. A ma du ko bara n bukaata mo biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goro ka sine heinno kwarayo gwene alkawali hini ga. Ka simma nna zaɗa ka mete yaasi kwaara fo fo na gwene almani siriyani.

Asariya waranka cini hinzante (23)

Bamei gonna daama a ma gwei ka a baa fisɗu. Ya no bine n ga a ceruma nna gwei zaɗei.

Bamei munaafinsi baasi gonna gwei ka n te banayom daama.

Ni ka n gwei te kulu gonna banayom dei-dei daama ka a ba to ni n ma n gwene iyaali koto nna beere boɗo.

Bamei gonna daama a ma gweiteeriyo zogi taayom igwe safu jisi a bine ba hini ka a boɗo dam a fo gwaaani ku na a boɗo bukaata fansayom ganna.

Asariya waranka cini taacinte (24)

Bamei gonna gwei hinanzobu nna hore daama gwei keiyaniyom zaka nna gwei hinanzobu kuna banayom saa nna saa.

Asariya waranka cini gunte (25)

Bamei gonna jisiri daama ka a ba hini ko ga gwene alaafia nna a iyaali kulu ceruma nna, zaa gwaaari, taafe, fuu nna baabuyom. Dee a bara sariti ya du ni ɗu bine gwei ya sara musiiba ya na n zeeri, zeene no, dee bine arooba fo ka a na ci n saabu a bara tilasi n ma duwa tee mako daama.

Wei kunu kweiyo, koo gweraayo gonna teemako nna kulayom daama. Koo kulu ka nna hei hije boɗo, ka du ka nam nga ka n hei hije si boɗo nn kulu gonna kulayom daama.

Asariya waranka cini idunte (26)

Bamei gonna couyom daama. Couyom di ma du ka bara tilasi faala boɗo za coubugu ceene ka kwei sasa wanteyo kamme gwei dendeniyom coubugu nga cere hima n ma feeri bamani. Coubugu beeri n ma nga feeri nuɗu ka a hima.

Couyom di ma bara heifo ka a moɗ feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.

Nyaa nna baabe gonna daama n ma couyo ka n baa fisɗu n koɗo se.

Asariya waranka cini iyente (27)

Boɗo kulu gonna daama a ma wuro a dimi taada kuna ka a hukumsi.

Bamei gonna daama taadayo kuna a ma a kaayom taago liiba gwaa; tila kaayom no, ɗu hore taago.

Asariya waranka cini iyaakunte (28)

Boɗo kulu gonna daama a ma te hei ka kwaara nna kwaara binni, nuɗu birijiyom ma si. Laakari kaniyom nna boɗo meiyom mo gono zaɗa ka nna beiyani boɗo aduniya daama tila kuna a ma duka bara moɗriyante.

Asariya waranka cini egante (29)

Boɗo gonna tilasiyo zamani ka kuna a gono. Zamani di ka kuna a folonku boɗo tere nna a jirima hini ka te.

A daama nna a boɗo meiyom looyom kuna no sariya tikite a se a ma duwa ko boɗo cinniyo daama nna n boɗo meiyom bei n se. Macerese mo gono bamei se.

N su ba hini ka daama nna boɗo meiy di loo ka na cii zaɗa ka yaasi aduniyakwaara diyayo marigayom na a jisi.

Asariya waranzante (30)

Beiyaniyom wo looyom ga siriya fo sii ka a ba nam kwaara fo su safu fo dee bine boɗo ma tunu ka koone ko ceeji ganna zamaa ma daama duuri nna boɗo meiyom di ka n dam tila kuna saabu.